

Script of Evening Gojri News Bulletin 09 September 2024 at 1700 Hrs

ایوننگ گو جری نیوز بلیٹن مورخہ 09 ستمبر 2024

یوہ آکاشوانی جموں بے نصرت چودھری تے عبدالرحمن تین خبر سُنو۔ پہلاں خاص خاص خبر۔

- * 1۔ وزیر اعظم نریندر مودی نے اج نوی دہلی مانہ ابو دابی غا ولی عہد شیخ خالد بن محمد بن زائد ال نہیان نال گل بات کی ہے۔
- * 2۔ مرکز تے ریاستاں تے مرکزی زیر انتظام علاقان نانہ ایم پاکس غا تمام مشتبہ معاملات غی نگرانی تے جانچ واسطے کہیو ہے۔
- * 3۔ بھارتی فوج تے بھارتی فضائیہ نے گتی شکتی ویشو ویدیالیہ غے نال مفاہمت نامہ ور دستخط کیا ہیں۔
- * 4۔ تے سرسبز مستقبل تے مضبوط جمہوری شراکت آلا چناؤ غے تحت 1 لکھتیں متا پودا لان غا ہدف نانہ حاصل کرن واسطے جموں کشمیر غا چیف الیکٹورل افسر گا دفتر تے محکمہ جنگلات غا تعاون تیں اج جموں ضلع غا بھگوال بلاک غا دو مانہ مانہ شجرکاری مہم گو انعقاد کیو گیو۔

خبراں غی تفصیل نال پہلاں نصرت چودھری۔

UAE Crown Prince Visit

وزیر اعظم نریندر مودی نے اج نوی دہلی مانہ ابو دابی غا ولی عہد شیخ خالد بن محمد بن زائد ال نہیان غے نال گل بات کی۔ دوہاں لیڈراں نے بھارت متحدہ عرب امارات تعلقات تے نواں اُبھرتا واسطے شراکت داری ور تبادلہ خیال کیو۔ ولی عہد مہاتمہ گاندھی نانہ خراج عقیدت پیش کرن واسطے راج گھاٹ وی جانیں گا تے صدر جمہوریہ درویدی مرمو نال ملاقات کریں گا۔ گذشتہ تہاڑے شیخ خالد بن محمد بن زائد ال نہیان ابو دابی غا ولی عہد غا طور ور اپنا پہلا بھارت غا دورہ ور نوی دہلی پُجیا تھا۔ تے کاروباری فورم مانہ شرکت واسطے کل ممبئی جانیں گا۔ جس مانہ دوہاں ملکاں غا کاروباری رہنما شرکت کریں گا۔ بھارت تے متحدہ عرب امارات تاریخی طور ور دوستانہ تعلقات رکھیں تے ولی عہد غا دورہ تیں بھارت تے متحدہ عرب امارات غا تعلقات تیں اُبھرتا واسطے شراکت داری گانواں رستہ گھلیں گا۔ بھارت متحدہ عرب امارات غی تجارت سال 24/2023 مانہ 85 بلین ڈالر تک پُج گئی ہے۔ تے اس طرح چین تے امریکہ توں بعد سال 24/2023 واسطے بھارت متحدہ عرب امارات سب تیں بڑا تجارتی ہیں۔

Centre M Pox Advisory

مرکزی حکومت غی طرفوں ریاستاں تے مرکزی زیر انتظام علاقان نانہ کہیو گیو ہے جے وے ملک مانہ ایم پاکس جس مانہ پہلاں منکی پاکس غے طور ور جانیو جائے تھو غا مشکوک معاملات غی جانچ وٹیسٹینگ کریں۔ مرکزی صحت سیکریٹری اپوراہ چندرا غی طرفوں یہ ہدایات اس تناظر مانہ جاری کی گئی ہیں۔ کیونجے عالمی صحت تنظیم ڈبلیو ایچ او نے ایم پاکس غے متعلق اس نانہ عالمی تشویش یعنی عوامی صحت ایمر جنسی قرار دتو ہے۔ اس بارے مشورہ مانہ وزارت غی طرفوں اس گل ور زور دتو گیو

ہے جسے ایم پاکس نے با رے بیداری پیدا کی جائے تے عوام نانہ اس با رے خوف و ہراس تیں بچان با رے ویلے سر رپورٹینگ تے بچاؤ اقدامات نانہ اپنایو جا ئے۔ اس صلاح مانہ یوہ وی کہیو گیو ہے جسے ریاستی اور ضلعی سطح ور سینئر عہدیداراں غی طرفوں عوامی صحت انتظامات تے سہولیات غو جائزو لیو جا ئے۔ اور مشکوک و تصدیق شدہ ایسا معاملات آلا مریضاں غی دیکھ ریکھ با رے ہسپتالاں مانہ انہاں نانہ الگ رکھن غی سہولیات غی وی نشاندہی کی جا ئے۔ مزید کہیو گیو ہے جسے صحت سہولیات ور کر خاص کر چمڑی غی بیماری با رے وجنسی منتقلی غی بیماریاں با رے کلینک مانہ کم کر رہیا تے قومی ایڈیز کنٹرول تنظیمان و کلینکاں مانہ کم کر رہیا کا رکنان نانہ کہیو گیو ہے جسے وے صحت اداران مانہ قائم رکھیں۔ جناب چندرا نے کہیو ہے جسے مرکزی وزارت صحت غی طرفوں اس با رے صورتحال ور لگاتار نگرانی رکھی جائے گی تے مرکزی زیر انتظام علاقان و ریاستان نانہ پوری مدد مہیا کروانی جائے گی۔

Gati Shakti Vaishnav

بھارتی فوج تے بھارتیہ فضائیہ نے اج ”گتی شکتی ویشو ویدیالیہ“ غے نال اک مفاہمت نامہ ور دستخط کیا ہیں۔ تا نجے اہلکاران غی مہارت تے صلاحیت نانہ بدبایو جا سکے۔ اس موقعہ ور وزیر دفاع راجناتھ سنگھ نے کہیو کہ یوہ عالمی معیار تے مستقبل غی تعمیر تے دفاعی شعبہ مانہ خود انحصاری حاصل کرن واسطے اک یا دگار شراکت داری ہے۔ اس موقعہ ور خطاب کرتاں واں ریلوے غا وزیر اشونی ویشنو نے کہیو کہ ”ویشو ویدیالیہ“ جدید تعلیم، تحقیق تے اختراع غے نال مسلح افواج نانہ باختیار بنان مانہ اک اہم شراکت دار غا طور ور کم کرے گو۔

Buddhist Media Conclave

دوجو بین القوامی بُدیست میڈیا کنکلیو اس مہینہ غی 11 تا ریخ نانہ نوی دہلی مانہ منعقد ہو رہیو ہے۔ اس میڈیا کنکلیو غو موضوع ”تنازعات تیں بچن تے پائیدار ترقی واسطے ذہن سازی“ ہے۔ کنکلیو اس گل ورتوجہ مرکوز کرے غو کہ عالمی تنازعات تیں نمڑن تے میڈیا ور اعتماد بدھان واسطے بدھمت غی تعلیمات نانہ میڈیا غا جدید طریقان مانہ کس طرح ضم کیو جا سکے۔ اس غو مقصد اخلاقی صحافت نانہ فروغ دینو، ذہن سازی نانہ فروغ دینو تے ایشیا پھر مانہ بُدیست میڈیا پیشہ واران غو نیٹ ورک قائم کرنو ہے۔ اس تقریب مانہ 18 ملکان غا میڈیا غامختلف نمائندہ شرکت کریں گا۔

BJP JK

بھارتیہ جنتا پارٹی گا قومی صدر جگت پرکاش نڈا نے ست شرمانانہ بی جے پی غی جموں کشمیر یونٹ غو نوون کا رگذار صدر مقرر کیو ہے۔ بی جے پی غی طرفوں جاری کردہ اک سرکاری مکتوب غے مطابق ڈاکٹر نرمل سنگھ نانہ جموں کشمیر انتخابی مہم کمیٹی غو سربراہ تے سکہندن چودھری نانہ کمیٹی غو نائب صدر مقرر کیو گیو ہے۔ جد کہ کویندر گپتا جموں کشمیر چناؤ کمیٹی منیجمنٹ غا صدر وین گا۔

Pm paralympics

وزیر اعظم نریندر مودی نے پیرا الیمپکس کھیڈان مانہ بھارت غی ہن تک تک غی بہترین کارکردگی غی ستائش کی ہے۔ وزیر اعظم نے پیرس مانہ منعقد پیر الیمپکس

گیمز 2024 مانہہ 29 تمغہ جتن آلا مُلک غا پیرا اتلیٹھ غی اٹل لگن تے جذبہ غی ستانش کی ہے۔ اُنہاں نے کہیو ہے جے بھارت اس گل ور خوش ہے کہ مہارا پیرا اتھلیٹھ 29 تمغہ گھر مانہہ لیایا ہیں۔ جھیڑی بُن تک بھارت غی بہترین کا رکر دگی ہے۔ یاہ کامیابی مہارا کھڈاریاں غی لگن تے جذبہ غی وجہ تیں ملی ہے۔ ان کھڈاریاں غی وجہ تیں آن آلا کھڈاریاں نانہہ حوصلہ افزائی گا لمحات فراہم ویں گا۔

یہ خبر تم آکاشوانی جموں تیں سن رہیا ہیں خبراں غا باقی حصہ نال عبدالرحمن شاہین۔

SVEEP Bhalwal

منظم ووٹر بیداری و انتخابی شرکت سویپ مہم گا اک حصہ غے طور آتا اسمبلی انتخابات با رے لوکاں نانہہ اُجاگر کرن غی خاطر اک پروگرام نانہہ بلاک بھلوال غا ماڈل باٹر سکینڈری اسکول دومانہ مانہہ اک شجرکاری مہم چلائی گئی۔ جموں کشمیر غا چیف الیکٹورل افسر پی کے پولے نے اس پہل غی سربراہی کی۔ جن غے ہمراہ ڈپٹی کمشنر جموں سچن کمار ویشے وی تھا۔ جموں کشمیر جنگلات تحفظاتی فورس گا ڈائریکٹوریٹ غی طرفوں اس موقع ور اس عزم نانہہ اُجاگر کیو گیو جے ووٹ بیداری تے ماحولیاتی پائیداری بارے لوکاں نانہہ بیدار کیو جائے گو تے اس خاطر طالب علمان، عملہ تے مقامی افراد غی طرفوں سر سبز مستقبل تے مضبوط جمہوری شراکت بارے دسیو جائے گو۔ اس موقع ور بولتیاں واں چیف الیکٹورل افسر جموں کشمیر پی کے پولے نے کُجھ اس طرح کہیو۔۔۔ بانٹ۔۔۔

SVEEP Kishtwar

ضلع چنواں افسر کشتواڑ راجیش کمار شون غی ہدایات غے تحت ضلع انتظامیہ کشتواڑ غی طرفوں انتخابی ادبی کلب سویپ مہم تے گو رنٹ ڈگری کالج کشتواڑ غا این سی سی یونٹ غا اشتراک سنگ بھارت مانہہ لازمی ووٹینگ بارے اک کامیاب نوجوان پارلیمنٹ غو اہتمام کیو گیو۔ اس اہم تقریب مانہہ کوئی 3 سو تیں متا طالب علمان غی چُست شراکت رہی۔ جنہاں نے لازمی ووٹینگ کا موضوع ور اپنا خیالات رکھیا۔ مہارا ضلع نامہ نگار کیلاش نا تھ سنگ بات چیت کرتاں واں ضلع اطلاعی افسر کشتواڑ ڈاکٹر کلدیپ تھاکر تے کُجھ طالب علمان نے اس طرح دسیو۔۔۔ بانٹ۔۔۔

SVEEP Chenani

ضلع چنواں حکام اُدھم پور غی ہدایات غے تحت منظم ووٹر بیداری و انتخابی شمولیت یعنی سویپ پروگرام غے چلتیاں اج سویرے چینی حلقہ مانہہ ایسو پروگرام منعقد کیو گیو۔ چینی حلقہ مانہہ سویپ بارے نوڈل افسر کتو منگو ترہ نے کہیو جے اس مہم غو مقصد آتا اسمبلی انتخابات مانہہ ووٹراں کی شمولیت نانہہ بہتر بنانو ہے۔ اس مہم غو آغاز چینی مانہہ سکول غے اندر اک پودو لان سنگ کیو گیو۔ بعد مانہہ یاہ سویپ ریلی چینی غا بکھ بکھ بازاراں تیں گذری۔ اس موقع ور بولتیاں واں چینی مانہہ سویپ پروگرام بارے نوڈل افسر کتو منگو ترہ نے کُجھ اس طرح کہیو۔۔۔ بانٹ۔۔۔

SVEEP Poonch

منظم ووٹر بیداری و انتخابی شراکت یعنی سویپ ٹیم غی طرفوں ضلع پونچھ غا اک سکول مانہہ اک بیداری پروگرام منعقد کیو گیو۔ جس مانہہ بزرگ شہریاں، بوتھ سطح گا بیداری گروپ یعنی بی اے جی غا ٹیم ممبران نے شرکت کی۔ تے فر بعد مانہہ اک ووٹر بیداری

ریلی گو اہتمام کیو گیو۔ سویپ ٹیم پونچھ گا ماسٹر ٹرینرز نے اس مہم غی سربراہی کی۔ جس دوران ووٹ غی اہمیت تے انتخابی عمل با رے ہر طبقہ غا ووٹراں نانہہ اُجاگر کیو گیو۔ اس پروگرام غو مقصد ضلع مانہہ 25 ستمبر 2024 نانہہ ہون آلا اسمبلی چناؤ مانہہ حق رائے دہنگی غی اہمیت با رے شرکت کرن آلاں تے بالخصوص سینئر شہریاں نانہہ بیدار کرنوتھو۔ آکاشوانی نیوز سنگ بات چیت کرتاں وان اُنوں ضلع سطح غا ماسٹر ٹرینرز رویندر سنگھ نے اس با رے مزید کُجھ اس طرح دسیو۔ با نٹ۔۔۔

DEO Samba SVEEP

ضلع چناؤ افسر سانہہ راجیش شرما تے ایس ایس پی سانہہ ونے شرما نے وجے پور غی مارکیٹ مانہہ اک ووٹر بیداری مہم غی سانجھی سربراہی کرتاں وان اج تجارتی گڈیاں غا ڈرائیور نانہہ سڑک حفاظت بارے بیدارکیو تے اُنہاں نے پہلی اکتوبر 2024 نانہہ ضلع مانہہ منعقد ہون آلا اسمبلی انتخابات با رے شرکت با رے وی اُجاگر کیو۔ یاہ تقریب منظم ووٹر بیداری و انتخابی شرکت یعنی سویپ مہم غے تحت ضلع سویپ نوڈل افسر آکشو شرما تے اے آر ٹی او سانہہ راجیش شرما غی طرفوں کیا گیا اقدامات غے تحت منعقد ہوئی۔ اس موقع ور بولتاں وان ضلع چناؤ افسر سانہہ راجیش شرما نے اس طرح کہیو۔۔۔ با نٹ۔۔۔

DEO Ramban

رام بن ضلع مانہہ ضلع چناؤ افسر بصیر الحق چودھری نے ڈپٹی ضلع چناؤ افسر، ریٹرننگ افسراں تے اسسٹنٹ ریٹرننگ افسراں غے ہمراہ کہر تیں ووٹینگ تے پوسٹل بیلٹ خدمات با رے پولینگ ٹیماں نانہہ ہری جھنڈی دس غے روانہ کیو ہے۔ یہ خدمات بزرگ تے معزور شہریاں واسطے ہیں۔ اس موقع ور ضلع افسر نے دسیو جے یہ ٹیم سخت حفاظت غے تحت 175 ایسا مستحق افراد غے کہر یں جا نیں گا جس مانہہ 112 افراد بانہال حلقہ مانہہ ہیں تے 63 افراد رام بن حلقہ مانہہ ہیں۔ جہیڑہ کہروں بی رازداری رکھتاں وان بیلٹ پیپر غے ذریعے اپنی مرضی غو نمائندو قانون ساز اسمبلی واسطے چُنیں گا۔ اس موقع ور بولتاں وان ضلع چناؤ افسر رام بن بصیر الحق چودھری نے کُجھ اس طرح کہیو۔۔۔ با نٹ۔۔۔

اس غے نال ہی خبراں غو یوہ بلیٹن ختم ہوؤ۔